

甲申雜記
清虛雜著補闕
征南錄

聞見近錄
咸淳遺事
青溪寇軌

隨手雜錄
三朝野史
青溪弄兵錄



青
溪
弄
兵
錄

王彌大
撰

中
華
書
局

叢書集成初編

甲 申 雜 記（及其他八種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 九 一 年 北 京 第 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：ISBN 7-101-00894-1/K·367

青溪弄兵錄

此據函海本排印
初編各叢書僅有
此本

青溪弄兵錄

宋 王彌大撰

宣和二年十月，睦州青溪縣石場村居人方臘，託左道以惑衆。縣官不卽鉅治，臘自號聖公，改元永樂，置偏裨將，以巾飾爲別，自紅巾而上凡六等，無甲冑，唯以鬼神詭祕事相扇誑，數日聚惡少千餘，居民掠金帛子女，脅虜良民爲兵，旬日有衆數萬。十一月二十九日，將領蔡遵等與賊戰於息坑，死之，遂陷青溪縣。十二月四日，陷睦州。初七日，歙守天章閣待制曾孝蘊以京東賊宋江等出入青齊單濮間，有旨移知青社，一宗室通判州事，守御無策。十三日，又陷歙州，自青溪界至歙州，路皆鳥道縈紆，兩傍峭壁，僅通單車，方臘之亂，待制出守，但於兩崖上駐兵防過，下瞰來路，雖蚍蜉之微皆可數，賊亦不可犯境，會宋江援京東，曾公移守青社，掌兵者以霧毒爲解，移屯山谷間，州遂陷，賊乘勢取桐廬、新城、富陽等縣。二十九日，進逼杭州，郡守棄城走，州卽陷，節制直龍圖閣陳建廉訪使者趙約被害，賊縱火六日，官吏居民死者十二三，朝廷遣領樞密院事童貫、常德軍節度使譚正二中貴率禁旅及京畿關右河東蕃漢兵制置江浙，明年正月二十四日，賊將方七佛引衆六萬攻秀州，統軍王子武聚兵與州民登城固守，屬大兵至開門，表裏合擊，斬首九千，築京觀五，賊退據杭州。二月初七日，前鋒至青河堰，賊列陣以待，王師水陸並進，戰六日，斬首二萬，十八日，再火官舍學宮府庫與僧民之居，經夕不絕，翌日宵遁，大兵入城，當是時，少保劉延

慶等由江東入至宣州涇縣遇賊僞八大王斬五千級復歙州出賊背統制王稟王渙楊惟忠辛興宗自杭趨睦取睦州與江東兵合斬獲百七十里生擒方臘及僞將相方肥等妻邵子毫二太子凡五十二人其子之驍於桐梓石穴中殺賊七萬招徠老幼四十餘萬復使歸業四月二十六日也餘黨走衢婺而蘭溪縣靈山賊朱言吳邦起應之據處州剡州剡縣魔賊仇道人台州仙居人呂師囊方富山賊陳十四公等皆起兵略溫台諸縣四年三月討平之是役也用兵十五萬斬賊百餘萬自出至凱旋凡四百五十日杭睦歙處衢婺六州與五十二縣賊所殺平民不下二百萬始唐永徽四年睦州女子陳碩貞反自稱文佳皇帝刺史崔義元平之故梓桐相傳有天子基萬年樓方臘因得憑藉以起又以沙門寶誌識記誘惑愚民而貧乏游手之徒相乘爲亂青溪爲睦大邑梓桐幫源等號山谷幽僻處東南趨睦而近歙民物繁盛有漆栳材木之饒富商巨賈多往來江浙地勢迂險一旦賊發焚蕩無一存者羣黨據險以守因謂之洞而浙人安習太平不識兵革一聞金鼓聲卽斂手聽命不逞小民往往反爲賊鄉導劫富室殺官吏士人以微貨利渠魁未授首間所掠婦人自洞中逃出僎而雉經於林中者由湯崑榴樹嶺一帶凡八十五里九村山谷相望不知幾人會稽進士沈傑嘗部民兵深入賊境親覩其事爲予言賊之始末因稽合衆論撫其實著于篇

方勺仁聲作泊宅編此事載在第五卷嘉泰元年四月十日王彌大約父命表姪陳知新錄出時在金陵

宣和二年十一月。睦州青溪縣妖賊方臘據幫源洞。僭改元永樂。仍妄稱妖幻。招聚兇黨。分道飄劫。路將蔡遵顏坦以兵五千死之。勢愈猖獗。二十一日。陷青溪縣。十二月一日。陷睦州。殺官兵幾千人。又陷歙州。州東南將郭師中戰死。又陷杭州。帥臣趙霆棄城遁。二十一日。詔童貫爲江淮荆浙等路宣撫使。譚稹爲制置使。王稟爲統制。將兵討之。同日令樞密院起東南兩將。第一將京畿一將。第四將前去投殺。內將副如不係曾經戰陣人。目下差人抵替其軍兵。仍差曾經陝西出戍人。於是陝西六路漢蕃精兵同時俱南下。辛興宗。楊惟忠。統熙河兵。劉鎮統涇原兵。楊可世。趙明。統環慶兵。黃迪統鄜延兵。馬公直統秦鳳兵。冀景統河東兵。劉延慶都統制諸路軍馬。二十四日。詔二浙安於承平。不見兵革垂二百年。屬有狂寇竊發。恃山險。然念無知之人。或被脅從。兩州吏民或爲誑誤。或因逃亡。敗衄軍卒。情有可憐。困於無告。仰譚稹量度事機。曉諭德意。應于前項人及兇賊眷屬。并見在賊中。徒伴。如能束身自歸。或告動息。捕致賊黨。並特與免罪。一切不問。內稍功績。卽優與推賞。招攜止殺。以靖南土。三年正月十一日。詔貫稟先據潤州。十九日。詔金陵乃喉襟之要。當上據江寧府。把鎮江。次議討賊。此其上策。時王稟已守揚子江口。劉鎮守金陵。童貫次鎮江。賊已陷崇德縣。方園秀州。二十八日。王稟。辛興宗。楊惟忠夾擊之。秀州平。稟乘勝至錢塘。二月。賊陷寧國旌德縣。劉延慶却守金陵。劉鎮移廣德軍。楊可世赴宣州。合兵討擊。十八日。王稟統中軍。辛興宗統前軍。楊惟忠何灌統後軍。自江漲橋與賊接戰。屢捷。克復杭州。二十七日。楊可世由涇縣過石壁隘。斬首幾三千級。復旌德縣。二十六日。劉鎮敗賊於烏村灣。復寧國縣。是月。福建將韓起棄衢州。賊縱火。

屠其城。餘黨逼信州。又陷處州。而霍城富裘道人等用賊年號。肆行剽劫。東陽、義烏、武義、浦江、金華、及新昌、仙居、剡諸縣悉爲賊占。三月十日。楊可世、劉鎮等克復歙州。王稟等進兵追杭州。復富陽、新城、桐廬縣。二十七日。克復睦州。時上又遣梁昶押劉光世統領鄜延兵一千八百餘人至。分討衢信賊。遣史珪押張思正統制河東兵二千六百餘人至。分討台越賊。續又遣關弼押姚平仲等統涇原兵三千九百餘人至。分討浙東餘黨。四月一日。劉光世兵到衢州。賊出城迎擊。斬獲二千二百五十六級。生擒賊首鄭魔王。又戰於石塘。斬首七百餘級。生擒五百餘人。凡三日。復衢州。乘勢進兵。復龍游、蘭溪縣。十七日。光世薄婺州城下。斬獲四千餘級。復婺州。十九日。王稟復青溪縣。二十三日。姚平仲復浦江縣。初。王稟、劉鎮兩路軍預約會於睦歙間。包圍紆源洞。表裏夾攻。至是。劉鎮、楊可世、王渙、馬公直率勁兵從間道奪賊門嶺。二十四日。平旦入洞。縱火爲號。王稟、辛興宗、楊惟忠、黃廸望燎烟而進。與劉鎮兵合。賊腹背受敵。凡斬萬餘級。二十六日。生擒臘於東北隅石澗中。并其妻孥兄弟僞將相等三十九人。其餘黨散據。皆以次平蕩。時江南東道轉運副使曾昇奏。訪問賊徒雖多。全少器械。惟以人衆爲技。本路所遣官兵。各持器械。而賊徒獨以數百人前後奮拳。輒困官兵。童子婦人在前。飾以丹黛。假爲妖怪。以驚我師。復在巢穴四向設險。陰爲陷罪。又爲長人服大衣。作關機以動上。執矛戟旗幟。飾以丹黛。爲鬼神之貌。以惑官兵。皆不足畏。必得熟知道路之人。即可進入。詔割與童貫譚稹。自此賊情漸虛。官兵始知所向。以至擒殄。閏五月十四日。詔兩浙江東路被賊去處。州縣新復。事合防遏。撫定者非一。兼處州等處餘黨亦未盡平。深慮宜撫制置司。今同

赴闕。賊黨妄有窺度。或致嘯聚。唐平淮西。以馬總治留務。國朝誅農智高。留余靖知廣州。若宜撫司赴闕。尙有殘寇。譚正卽當留彼三兩月措置。庶得保其成功。八月二十四日。方臘伏誅。

青溪方臘事迹。余旣於方勺宅編錄出。今觀國朝續會要二百五十三卷。出師門。專載方臘事。則又錄出以參考前書。嘉泰改元夏至日。王彌大約父書。